

docsjer 文川网
入驻商家
在文川网搜索古籍书城 获取更多电子书

中國方志叢書·華南地方·第二四二號


據

清·王椿修，葉和侃纂
清乾隆三十六年修，清同治十二年重刊本

影印

福建省

僊遊縣志



成文出版社有限公司印行

10098476

中國方志叢書·華南地方·第二四二號

據


清·王椿修，葉和侃纂
清乾隆二十六年修，清同治十二年重刊本

影印

福建省

僊遊縣志

sk120/61



成文出版社有限公司印行




10098477

中國方志叢書·華南地方·第二四二號

據 清·王椿修，葉和侃纂
清乾隆三十六年修，清同治十二年重刊本 影印

福建省

僊遊縣志



sk122/61

成文出版社有限公司印行



docsriver 文川网
入驻商家 古籍书城

在文川网搜索古籍书城 获取更多电子书

中華民國六十四年六月臺一版

僊遊縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

僊遊縣志序

興郡距會城二百餘里而僊遊夙號莆望縣其山川之靈秀如九鯉天馬菜溪麥斜諸勝不但一邑鉅觀且據七閩勝境前代名賢輩出蔡忠惠葉正簡鄭夾漈張舜元林萍齋諸君子學問淵深事業彪炳其載在邑乘者令人景仰不忘焉是僊遊又烏可以無志哉考前志肇始于宋重刊于元明代雖四經詮次然中歷滄桑銷沉殆盡幸有郭生一林者留心前典刻意編集追我

皇上御極十有四年陳令興祚始本郭生舊刻因而增補之到今又二十餘載矣庚寅歲胡令啟植訟庭清暇慨然以爲己任延西昌譔庭葉君主其事並分修諸生數輩積日累勞網羅搜

討不漏不支務可信今傳後而後已可謂通達治體者矣後胡以疾革去官幾不克觀厥成繼之者王令椿任令本仁均能以脩舉廢墜爲心遂各自踴躍以竟其事書成任令來請序惟邑之有志興革損益關乎氣運奢儉貞淫係乎風俗可徵一邑之文獻卽可作令長之龜鑑者志是也豈徒誇掌故侈淹洽云爾哉予涖閩日久十郡二州足跡幾遍而僊谿楓亭諸里又屬下游孔道輜車所至耳目見聞靡不周悉茲新奉

天子命來撫是邦所願日討各屬而風厲之者罔非欲以實政實心洞然與斯民相見使知今日之判而斷者何事振而興者何事廢而革者又何事其于戶口田賦學校諸大端或則有所裨益或則無所補苴他日固有人焉將操筆而書之也夫亦可

以知所矜慎矣昔韓昌黎過韶方入境而問圖經子朱子守南
康未下車而詢郡志彼二賢豈非能急先務者歟予再至閩而
僊遊卽以是志進予覽之固不能已于一言雖然是說也寧第
僊遊然哉卽全閩諸邑亦莫不然矣故因其請序而備揭於簡
端

乾隆三十有六歲次辛卯仲秋日

賜進士出身兵部侍郎兼都察院右副都御史巡撫福建等處
地方提督軍務余文儀撰



重刊僊游縣誌序

邑之有誌猶國之有史也山川風俗人物於是乎載使後之人有所考徵誌可缺乎哉辛未冬余來權是邑飭取誌書答無存者板燬于咸豐三年土匪林俊之亂假諸藏書家皆殘缺不全因收集成卷始得卒讀山川之秀風俗之厚甲於下南而人物之美盛賢豪輩出儼然海濱鄒魯得官於斯何其幸歟誌創於宋歷修八次自乾隆辛卯歲迄今又百餘年無續修者此百餘年中山川風俗前修略備而人物之可誌者必夥然必訪諸輿論考其姓名迹其事實非旦夕事庖代者恐難竟其功姑俟後之來者若已成之書任其湮沒不爲之復將前功盡棄而一邑之山川風俗人物皆無所考徵大非興廢之道爰商諸王孝廉念修敬修昆玉乃邑之善士能以興廢爲己任者以謀重刊并請董其事忻然允從遂飭職監林文鴻等集貲興刊壹是悉因其舊既不克增而補之亦何敢贊易一詞以蹈掛漏之弊刊成煥然一新于是山川風俗人物可考而徵焉爲弁數言以誌重刊之月日云爾

時

同治十二年歲次癸酉仲夏吉日署僊游縣事宛平吳森序



序

志之爲書非特以備紀載供稽考而廣見聞也將使後之爲士者遠有所師近有所承爲民者前有所遵後有所守將使後之爲政者因其民情宜其土俗廢者舉之墜者修之偏者補之敝者救之俾爲士爲民者咸駸駸乎胥歸於醇古而臻於邳隆也然則邑之有志所係不綦重歟僊谿之爲志由來舊矣迄我


朝明經郭生一林慨然獨肩其任越數十年前邑令陳君芥舟增而輯之庶稱咸備經今二十餘載遺文軼事不無殘缺歲己丑余奉

命來守是邦行部邑治見其山川之秀人物之盛士民之恬熙既喜其風之醇而俗之古耳適邑令黟山胡君有志修明殫心纂輯未竟事而以抱疴告歸齊昌王君踵而編之華亭任君集而成之而茲志遂聿然一新矣余惟邑之有志政治攸關其時風俗之醇厚戶口殷繁嘉言懿行之昭垂學士文人之芳修以及理學名宦之事蹟烈士貞女之清標胥于是乎悉備爲政者將使之仰而企俯而就其在君子將于是乎有所師承其在細民將于是乎知所遵守風化有不油然而盛者

乎昔朱考亭守南康甫下車而首詢郡志夫以大賢爲政豈曰漫無經濟而必亟
亟然於志爲先務者誠非無所見而然也宰斯邑者尙其因利乘便以爲化民成
俗之基而至於沿革損益之微權則又在乎其人之善爲決擇已矣志旣成余適
有廈門監司之役因弁數言爲綜其大要云

乾隆三十六年辛卯

誥授中憲大夫知興化府事護理分巡興泉永等處海防兵備道襄平郭世勳撰



僊遊縣志原序

圖牒之傳尙矣今僻陋之邦偏小之邑亦必有紀錄焉僊遊號蕭望縣綿歷幾歲禩更迭幾令佐曾
無隻字以詔非闕典歟官長趙侯與泌慨然命邑士之請屬筆於巖孫遂摭之前聞質之故老參之
職二蘇君國台攀龍黃君堯俞訂郡志之失紀載者訪碑刻之未流傳者博觀約取誕去實存而
不請小序尤深致其意論財賦必以惜民力爲本論山川必以產人傑爲重人物取其前言往行否
稱雖穹弗載焉詩文取其義理法度否則辭雖工弗錄焉按是非於故實之中寓勸戒於微言之
表匪直爲記事設也越半載而書成累政之因襲一旦而洗數百年之欠闕一旦而補千萬古之山
川人物一旦而發越呈露不惟是也官乎此者睹前人之政績庶幾有所欽式生乎此者聞慶歷元
祐諸先生之高風庶幾知所興起乎後將有考於今亦猶今之有考於昔也寶祐丁巳季春仲澣溫
陵黃巖孫謹識

古書有九邱有方言今圖經之類爾然左史倚相至與典墳其讀楊雄勤勤纂緝豈其書果不可闕
歟吾郡三邑僊遊爲鉅其山川之美戶口之衆前未有紀載者少府黃君始奮爲縣志上下數百年
間人事之變風俗之宜採之舊聞訪之故老皆有可據釐爲十五卷其言曰地以人重瞻言者舊有
列于慶歷諫官者有危言讜論相望於元祐黨籍者有與鄒道卿同貶者有爲乾道名宰相者其他

魁彥勝流不可勝書故其志人物尤詳焉曩予嘗同鄭子敬方孚若至邑西清陳公時年八十餘矣爲予三人設醴清談竟夕多及乾淳間事健少年不及也豈其水深土厚所產皆秀傑歟黃君俾予序其書不獲辭君名巖孫字景傳溫陵人秩滿臺郡皆以才薦將去爲潮州郡文學矣寶祐五年孟夏既望中大夫右文殿脩撰提舉亳州明道宮劉克莊序

莆甲七閩分邑惟三僊谿又甲諸邑前未有志是大漏典令趙君與泌事關風教每切留心堯舜道統之傳盛於孔子而尊經有闕周程道統之傳恢於朱子而肖家有祠重惟茲邑山川遠樂秀氣所由鍾徽前哲崇經術嗜理學壽斯道之脈宏矣直節高風立懦千載不筆諸志何以詔久會邑士有請諗尉黃君巖孫編次之於人物爲尤重揮金十萬以倡相之者翁若半載而板傳一披圖經訪詔石勝必有好事若韓昌黎者僕來自京國蘇兄攀龍偕同志以後序爲屬竊惟有紙上志有胸中志奇峯削拔宜產鋪菜生齒稀而之繁版賦豐而之宿紙上志也用則入徂徠聖德之頌不用則入文德黨籍之碑仕則致身鼎彝而一畝不增不仕則高臥林泉而累召不就胸中志也是舉也裊風教居多編次云乎哉若夫緝莫絕于既往紀流緒於方來當有增光此筆者陸澄地里書而任昉補之王曾九域圖而王存廣之深有望於後之人寶祐丁巳仲秋日平湖陳堯道敬之序

僊谿邑志始創於宋寶祐五年丁巳重刊於元至正十一年辛卯今考自寶祐丁巳至至正辛卯纔

九十有五載已稱邑志無存遍求墨本獨得邑士傅玉成家藏一帙可爲依據而重鐫之自辛卯至于今歷年雖未甚久然其間屢經兵燹典籍殘缺家藏墨本千不能有一有者惟藍溪茅氏西湖傅氏一二家然又以手錄數簡補其脫漏未必盡舊時之墨本也於乎文獻不足重其然乎宣德正統間邑之故老如飛山張樂素藍溪茅梅間楓溪薛別駕西湖傅提舉輩每嘆此書之散逸而慮後日之無傳俱欲重修鉅梓以傳惜乎未就而卒成化初屏山鄭檢討家居以新志無穢不治亦嘗芟梓繁亂掇拾精英編次幾成而先生復北上余以成化末釋服從吉休養衰朽于林泉亦頗有諸公之念顧以官無餘祿家無餘積欲重鉅梓而未能也至宏治庚戌秋八月別駕之子瑞昭與其從子文徵提舉之族子體純梅澗之子常正陳待制次升公之裔孫德威樂素之孫叔華檢討之從弟廷時暨余仲弟漢明邑士貂峯吳廷興錦溪鄭必謙十餘人挾新舊二志借詣予倦飛館請予哀次成帙且鳩邑之好事者相與募工重刊以傳諸後余曰盛哉此舉是固成爾先君子之志亦適乎平日之願也遂忘固陋刻意募修其門類條目一以舊志爲主別爲卷十有六其目五十有六每目皆先錄舊志而綴新者於後凡五閱月而書成將鉅梓間適邑長陳侯履任復捐俸金贏二鎰以贊成其事而刊者就緒焉於乎是書之作非以載往事專記前言以資多識蓋欲藉此以垂示於將來者也是故錄名臣正士德業聞望之重將使覽之者必有所感發而思齊焉錄禮義敦樸之風將使澆薄之

俗有戾乎古者亦將感此反正而淳龐焉錄良吏政績之實則後之可教養者覩此寧不慨然而自勵乎錄貞女節婦之揚名於世者則世之怕寒餓死之婦聞此寧不赧赧而無地自容者乎書之有關於世如此豈徒山川境土與鳥獸草木之名義已哉是爲序宏治辛亥七月朔日朝列大夫西江布政司右參議邑人槐林陳遷書于倦飛館

昔在成周時有內史掌八枋之法外史掌四方之志以翼成一代之治史之義大矣夫志亦史也僊邑志助於宋寶祐丁巳而修於元至正辛卯迨至皇明續修實更三手然或失之繁涉於諛或失之略遺其實垂遠則病焉于時督學午坡江公以達泊郡守雲泉吳侯達方表率風教闡揚人文乃延吾族人憲副寒谷有年卽其舊編重加詮次以續成完書事竣適二守石川譚侯鎧署郡符偕郡推少坡沈侯鑿來屬予序余惟世之拜伏官次敝敝於簿書間抑末也已今茲之舉其達治體而識先務也乎矧寒谷以道學之望直諫之聲艾歷耆舊爲余素所推信其又奚辭耶乃遂取邑之志遍覽兼辰用知其概首地輿次官制與學校人物公署祀典文章雜志又次之總其綱有八其目五十有六訂譌補闕咸度厥衷且以修志人物爲重若先正蔡忠惠葉正簡之德業傅龍圖朱絨陳次升之忠讜張弼林萍齋之理學則又據事加詳以具存乎鄉國典型之意使蒞斯邑者謀求其故轉移樞宰產其地者嚮往前修力求嗣響夫固有大機存焉耳矣昔司馬文正公集古今治亂成敗之蹟以

docsriver 文川网
入驻商家 古籍书城

在文川网搜索古籍书城 获取更多电子书

資天下後世之治推斯志也抑亦郡邑資治之鑑歟其於野史氏搜羅幽蹟式資侈談而無裨於政者迥然異矣謹書之以復諸君子之請若其規措供具助成茲役則僊令黃宸也志修於嘉靖十六年丁酉十一月越明年二月始畢事釐其書爲八卷云嘉靖戊戌夏五月初吉賜進士第通議大夫兵部右侍郎兼都察院右僉都御史前奉勅總督兩廣軍務兼理巡撫莆陽省吾林富書

志曷以志王政也史是也盛周之時外史掌四方志周微矣而人猶知所尊固史在也漢唐而下王會三輔有圖方輿寰宇有志迨皇明大一統志始備焉昔昌黎子過韶問圖經夫子悼杞宋文獻不足則郡邑之志其可少乎僊遊自晉隋來曰郡曰州更置靡一宋九域志稱爲望縣寶祐間有黃巖孫志宏治間有陳志正德間有彭志至嘉靖丁酉督學僉憲午坡江公以達領袖斯文欲以僊邑志役予重修乃商之郡守雲泉吳公達公曰可禮于廬余謝曰斯非飛語之藪乎公曰孤直取尤議禮聚訟古今然也固請之輒買舟抵僊窟寓龍華古刹而事其事焉夫志曰史式昭政治余欲知地輿山川之脈理官職制度之得失而爲政之緩急張弛焉余欲知學校人物之興舍公署祀典之攸宜而爲政之觀風設教焉余欲知文章絕述之淳漓僊釋遺事之幻異而爲政之循名考實焉故於典籍而稽之詳故老而詢之博學校而質之公移事屬類詮次哀輯申旦達夜竭庸僊館費歷三月而志垂成其二之士瘠民窮稅存產耗政治轉移之間默寓焉庸有執其機者乎越明年余以事竣

歸知縣黃宸亦以吏調去維時綜理失責時具弗周執役者皆怠緩魯魚亥豕之訛覽者病焉雲泉公執政歸靖父之餘取志而閱之略致損益於其間後囑余暨教諭韋煥訓導劉有執重加訂正嗚呼俗之吏臯臯瑁瑁顧於志爲何物若公脫凡近以游高明崇化原而基遠業可謂深達治體者矣余喜斯志之成官之規民之鑑於政教冀有小補固二公之功閔且永矣庸書于末簡嘉靖己亥秋九月朔中憲大夫貴州等處提刑按察司副使奉勅整飭威清地方兵備致仕前南京四川道監察御史莆田寒谷林有年書

恆言邑之有志猶國之有史家之有乘其旨安在以其同一日星河嶽也同一賦役戶口也同一氣候風俗也同一忠孝廉節聲名文物仙釋隱逸也直大小廣狹分焉耳夫然何以猶是日星河嶽也而禎祥災異或判焉猶是賦役戶口也而生聚流移或判焉猶是氣候風俗也而慈善奸慝或判焉猶是忠孝廉節聲名文物僊釋隱逸也而今昔盛衰或判焉此無他蓋有天地之心存焉矣志者心之所之也人能以其心知天地之心而特出其筆舌以佐裁成輔相所不逮斯其心與天地合而其志可傳不朽吾友郭子一林之續修僊邑志也其庶幾心天地之心者乎志始於宋寶祐丁巳修正於明嘉靖戊戌去今百二十八載一林孝友天賦學問淵涵從事吾先通議金石之教日與余叔季究心性命經濟文章緒餘及之耳茲以銓期未屆著書樂道慨然以續誌自任搜索古今志傳編摩

較勸窮幾歲月繁者以簡略者以詳缺者以完訛者以正而又時吐己見發前人所未發言後人所
欲言悲憫填胸勸威盈紙閱是編不可窺一林之心乎夫仁愛莫如天地矣天地之心豈不欲一邑
之中有祥而無異有聚而無散有善而無惡有盛而無衰然氣數所囿天地有莫之能違者一林曰
夫然豈其然夫吾儒讀書窮理求其人定可以勝天誠至可以格天者而已若復浮游惑溺於或然
不必然之數則亦與民可使由等何貴乎知天之學噫吾願後之官於斯家於斯者皆心一林之心
以上合天地之心裁成焉輔相焉使異轉而祥散合而聚惡易而善衰極而盛斯其志真可不朽而
天地之心於焉見矣玉牒所載家系所修此物此志也云爾康熙五年丙午立冬日雲衲唐顯悅頓
首拜撰

志林掌故之書所以紀往蹟備文獻甚盛典也顧山川風物法制政治雖古今異宜道止紀載惟人
才進退發微表懿繫於單詞隻字之間是則一邑之志猶之一國之史也古之善爲史者多矣其不
善者亦復不少夫微言大義大書特書良史之法也善善長惡惡短長厚之心也君子樂與人爲善
見人善則汲汲而書之聞人過則遲疑而闕之索片瑕於全瑜則三代以下當不復有完人居恆參
稽往牒每以掩諸葛之長比之滅爾朱之惡其失尤甚獨是煌煌志書視同家乘則不可也誰非孫
子誰無祖父有美而不稱失固爲曠稱之而過至於溢量失真使受者難安亦豈仁孝所宜晚近道

不古處崇韜唐將不以爲羞優孟楚嚙不以爲僞甚且寒流衰草恣地下之董狐自謂誅諛已死華閱貴胄飾塚中之方命自謂發德幽潛以斯傳示尙復堪言嗟乎枋頭直筆事關門戶翟黑恐負禍起刺譏誠不可不重念然而龍門序傳不以安世故不酷吏張湯也此意何可忘哉一林郭先生憫故典之湮沈返近今之流失拾遺補闕任罪畏知真名山之業直道之遺邑侯盧公方敷新政旋切舊文徵其藏而壽之邑之人咸嘖嘖使君之賢與先生之相得益彰某實不敏幸躬厥盛贊旣不能愛又莫助思以芻蕘一得郊游夏片詞異時傳信及遠或可附餘光於宛函之末爲榮多矣謹序康熙五年仲冬望日鐘山巖昌構奕肯氏謹書于迎曦軒

故事修郡邑志必從臺使者或督學使者按轡行部或郡邑賢長吏有所請謁或當道鉅公名卿以及夫賢大夫士有所協志而請之有司者有司檄下郡邑備玉帛聘郡國中名士達師位望文學顯著者一二人爲之領袖又採訪孝秀布衣隱逸士大夫能文章具道德者若而人爲之羽翼其饋廩紙筆費闕館論次纂輯蓋其重哉吾邑之志初始于宋寶祐元年修之明再修之乙未之變吾邑城復爲隍官舍公私林蕩毀折殆盡老穉屠割磔裂一空卽毋論載籍矣大亂稍平賢長吏困于需輓日旁午應給不暇奚暇問數百年職方版圖訪其人而終治之哉郭先生願獨憂之乃私取人間所藏舊志本閉戶纂輯闕者補之疑者慎之耳目聞見者新之閱三年而成書以示吳子吳子曰名煌

生也晚弗及從邑中賢長者後儒考置沿革風俗政教人才山川賦役得失又不幸逢兵革載籍無徵一行作吏此事都廢今幸得觀郭先生論著邑雖百里哉然千百年來治亂盛衰之故燦然可睹矣前輩諸先生處其常則筆削之權必待賢有司者有所請托而後從事焉郭先生處其變則獨往直任而不疑詩曰維桑與梓必恭敬止其郭先生之謂與傳曰無徵不信不信民弗從又曰文獻足則吾能徵之矣是□□之慎也聖人之明也郭先生其有所不得已乎以爲不直往獨任則遲之且無志矣寧獨不足云乎哉是郭先生之志也夫不得已也夫康熙戊申年二月花朝蕭斯吳名煌頓首拜撰

志非一代事也修志非一人任也必有分司之者必有總成之者故聞見廣而是非公蓋其難也蓋其慎也江淹有言修史之難無出於志誠以志者憲章之所繫非老於典故者不能爲故苑蔚宗終身不敢作志慎之也僊邑之志自宋巖孫黃公成之於前明陳彭諸君子修之於後其間氣運之盛衰文獻之興廢諸君子以一志而維數百年之風俗人心不可不謂難也若夫爲其難不爲其易則惟今日爲尤甚今者典籍缺遺譜乘流失乙未之變所謂人民戶口者幾不可問矣况可語披圖按志之事乎予友郭君一林乃富吾邑兵燹之餘起而當修明紀載之責一時而備百年之觀一人而耑數人之任一林所謂爲其難者乎今觀其輯中如星紀地輿溪山城署社稷廟祀等此舊志之所

有一林不得而異者也志里域則里各有圖志田賦則補秩禮志選舉則兼武科志建置則特崇文廟詳其賢儒之爵贊里居志人物則以孝作忠爲本志名宦鄉賢則各詳其事行以實之且表章蕭父母宏魯徐父母觀復唐先生大章陳先生濂不諱其獨斷以候疏舉著述爛瑤章物產及荔譜此數者舊志之所無宋明諸君子不得而同者也其有最切民瘼關政教者如鹽法之利弊驛遞之勞逸倉串之興革皆悉考而詳列之所以待當事之補救損益豈不大哉志成走書山中屬鳳九參訂於是益歎一林之獨任其難也如彼其公且慎也又如此其難也蓋不欲獨爲其易者也其公且慎也蓋不敢獨私其是非也後之人取是志而深思焉則知古之人物何以盛而今何以衰古之風俗何以淳而今何以漓古之井里何以庶而今何以土著少寄籍多而民日見困窮也則所以養士氣培人心勤生聚其必由斯志也夫康熙戊申仲冬原涉令雲莊王鳳九頓首拜撰

余足跡幾半天下每至名都要地高山廣川及遺蹟雜記莫不流連而採訪焉非徒以裨見聞實欲稽往哲而備師資耳頃者得命分符僊邑顧名思義吏茲土者浣花饒笑非具異骨定有宿因余何足以當之然載酒問奇刻炬考憲頗有素心焉幸得蒞茲一方雖簿書期會居無停晷而咨詢憑弔未嘗不在蒹葭榛苓之間也奈屬兵燹之餘縣治公廨鞠爲茂草雖劫運莫逃乎獨惜數百年來典故圖籍悉付祖龍虐焰誰復有爲孔壁汲塚者際此荒廢鬱鬱誰語者久之居無何而一林郭子手

一編向余揖而進之曰此僊邑新志繕本也尙未就梓余退而閱之爲煩若干爲卷若干爲圖若干一出一人句有陽秋或存或闕義同夏五道之所伸雖微必錄法之所絀雖赫必誅微事則不厭乎旁搜攷古則必求其有據千里山川判若列眉草木魚蟲攢如羅指雖道元之經德里之疏其何多讓焉推斯志也豈第摭拾典文風示一方面已哉將來簪筆承明可否論定龍圖虎觀應實一林一席于以輔敷皇猷永垂石畫顧不休歟則茲志其權輿也而余因是而有感焉士不通經無以致用不達史無以通經春秋編年太史紀傳後世秉筆者遂不能出其範圍雖無慮數十伯家求其是非不謬於聖人者蓋憂憂乎難之今觀郭子是編體裁取次井井有條凡以備法成而昭勸懲其於經史之學豈猶多歎焉者乎抑余更有感焉士生三代而下未始非厚幸也蓋閱歷久則見聞愈博變故多斯諳練益深唐史續庚必以新書爲當宋史彙甲尤以新編爲歸何者後起者藉處勢有然也茲縣志積百三十年而郭子起而修之文富於前義核於昔不猶是耶而獨是正氣倡明廬陵桴而端明鼓也毛義排斥夾漈倚而考亭角也今郭子毅然一身任之閱數寒暑而後成以視昔賢殆爲難矣然余于此不徒爲郭子感也虞翻不渡海不信四丈之蝦鬚文靖不從征幾詫五月之桃蔬未讀伽藍記烏知夏日之沙谿彼製金匪譯莫斯哥誰解冬寒之裁凝人血覩今余來吏茲邦以所見聞質之此編因知此地駝鳥不待戍已而始降焉况益人神智廣我師資如立身行己軍國子民更

有大焉者乎余之來也不爲後矣夫爲之也難則感慨繫之及臻厥成斯忻幸集焉請付剞劂以志不朽其余之責也夫其宗之責也夫康熙己酉歲僊谿拙吏豫章盧學儁撰并書

俊自少而壯俱從先君子學朝夕訓誨暇恆溯前代山川之秀城郭之雄人物之盛風俗之淳與夫賢有司之仁政德澤曰是皆載之於志燦焉可述而生是邑者容眎之茫然而不知所攷哉康熙甲辰京試歸自分將林泉老乃取先君子所示邑志而詳覽之邑始置自唐聖歷二年邑名僊遊始自唐天寶元年邑屬興化始自宋乾德五年邑志始自宋寶祐五年丁巳縣尉泉州黃公巖孫實首事焉宋更而元越九十有五年是爲至正十一年辛卯起而修者朝散大夫河東田公九嘉也元更而明越百四十年是爲宏治三年庚戌起而修者朝列大夫邑倦飛陳公遷也越二十有五年是爲正德九年甲戌起而修者奉政大夫郡忍庵彭公甫也越十有三年是爲嘉靖五年丙戌起而修者中順大夫郡忍庵公男大治也更十有三年是爲嘉靖十七年戊戌起而修者中憲大夫郡林公有年也邑志之修自是止矣至於

國朝順治十二年乙未有兵燹之變則百一十有八年矣續籍既無所載故老更無可詢倘無起而修之者地輿將安攷乎官制學校將安稽乎人物祀典及雜記將安訪乎並百十八年間嘉言微行將安著述乎俊不揣末學搜之宋志參之府志博採其所見聞依原本而確者存之略者詳之無者

補之斷者續之提其綱以攝其總條其目以別其緒凡其質鄉先生暨諸友閱數年所去取而成焉者也竊私自藏以待後續己酉春邑侯盧公學雋再四徵覽欲即登梓乃詳之郡守許公煥公可之後聞而瞿然曰淺識如俊卑陋寒薄如俊偷茲志行不鹵莽甚耶侯隨命開鐫於己酉初秋迄于子夏郡奉部文到縣有夙學老儒共修

大清一統志縣舉俊同學師康公正燦應志成歸而盧侯方以艱謝事此志幾鐫十之四署縣事馮公桂徵捐倡續梓於辛亥初夏不數月去仍未及半嗣而癸丑陽月梁公帽初任纔欲捐續而輒阻噫志至是十易草木矣矧值省變竊謂志修是止也歲己巳崔公岷來綏定蒲邦幸來蘇時雨而卽爲孔邇父母也澆篆初籌利病舉興革慨然取已刻之志次第完竣勸諭所及勳成恐後邑人士曰有侯如此百四十餘年杞宋之憂可立釋矣由而培山川之秀峙城郭之雄育人物之盛陶風俗之淳與夫展布賢有司之仁政德澤俾僊享億萬年長治之休以默酬先君子所以示俊之意侯之功詎不千秋銘篆哉康熙戊午季冬望日後學恩貢生郭彥俊謹書

邑之有志與國之有史家之有乘事同實異何也國史兼善惡家乘專揚美志之紀實也寬于史而嚴于乘僊谿之志闕而不修者百四十有二年一林郭先生慨然以爲己任起而續之韓退之志足以起衰而膽識敢於詆佛猶恐以此事觸忌諱先生資性溫厚樂稱人善生平絕口不譚人過知

必議尊諱親不致抵觸明甚乃其用心微隱救世愛人之思則亦因可見矣今取其既修之志讀之名蹟圖畫懿行類列足所未經如遊其處生不同世如晤其人非不見所未見聞所未聞在在引人勝地乃何以同一山水里居也而或以人重同一禽魚草木也而或以事傳同一官制政治也而興革異官同一戶口賦役也而盛衰殊致同一令尉師儒也而名宦有譽有不譽同一縉紳先達也而鄉賢或登或不登至於平流賤隸女子婦人有一善之足稱必汲汲而書之而巍科顯秩又略置不道比類參觀會心言外有不廢卷浩歎愧慕內生者必非慧力人也是故不讀斯志無以見先生之心不知先生之心不可讀斯志吾願世之讀其志求其心鏡治忽之相因審人法之得失追芳軌於前修反近今之衰弊生此邦者擬鄉賢爲鵠吏茲土者指名宦爲歸科名可致勿謂富貴無餘事行誼足欽勿謂貧賤自菲薄士愛廉恥女懷幽貞則世教漸以維人心無不正傳信之文足以及遠僊谿一志直將繼史垂法不但爲一邑之書一家之言而已抑吾聞之孔子矣文莫吾猶人也吾猶願先生自茲以往年益高行益脩長自處已於無瑕也康熙己未年仲春愚齋鄭得來拜撰

興化府之僊遊唐聖歷二年析莆田縣置初名清源天寶元年始更今名相傳何氏兄弟于此仙去也縣多佳山水自唐以來名儒魁士踵出科目之盛甲七閩扶輿靈秀所鍾宜有發露彰大之者望縣也縣舊有志康熙己酉脩後距今八十餘年事迹中斷令陳君興祚懼其久而放佚重爲編輯既

鼓來請序郡國之志隋始著錄而宋已繁晁陳二氏所載無慮數百卷闕則林譜閩中記梁克家三山志林光建安志戴溪清源志胡舜舉延平志方杰清漳新志李臯鄞江志趙彥勵莆陽志葛元隴武陽志陳致雍晉江海物異名志其間或出于一人或集于衆手或都人士自撰或更于茲者爲之今有傳有不傳而猶得據其篇名推其時代因以知升降替之由而皇然求致于理蓋邑志者令長之元龜而法制經緯所攷鏡也不粲乎重哉故攬疆域則思所以固緝繆稽戶口則思所以勤撫字問田賦則思所以課農桑按府藏則思所以時發斂行黻校則思所以興教化育人材奉牲帛則思所以接神明致嘉氣福斯人其它若戎備池隍水利禹筭厩置與夫病坊慈幼局輿梁道路以及嘉肺之坐漏澤之園莫不竭吾心力而使咸得其宜而又月吉讀法以董之鄉飲酒禮以先之賓興鹿鳴以鼓舞之其有不率而麗于法者則刑憲隨之前乎吾者若也良若也才此民之父母也吾師焉效焉若也墨若也殘若也疲若也此民之賊也吾監而成焉朝而饗則曰此吾民所辛苦而粒者也暮而息則曰吾民其有不寧于室者乎如是而令長之心盡心盡而職舉職舉而志不徒作矣陳君禾人居近陸清獻之鄉以進士起家蓋有意爲循吏者至此志之成吾友莊君大椿實主筆削而學官李君侏佐之莊君夙以文名江東侏爲寧化李元仲先生孫具有家法故撰次斐然昔施武子志會稽陸務觀以爲氣壯文雅此書蓋庶幾焉可以繼趙氏莆陽而傳矣乾隆十有四年歲次己巳仲

冬日長至日賜同進士出身巡撫福建等處地方兼提督軍務都察院右副都御史紀錄二次晉陵
潘思樂撰

昔朱子之守南康也甫下車首問郡志夫以大儒爲政豈無先務而顧急於志者何哉蓋覽其志則
境之山川險易丁戶之增損財賦之盈縮民俗之淳澆以及前賢往哲之典型芳軌孰緩孰急爲革
爲因宜修飭而表揚者何事瞭然於心而次第措之則有條而不紊政治之務莫有急於此者宜朱
子所先也故知一邑之志方能治一邑推之自郡而省莫不皆然蓋通省爲諸郡之彙而一郡乃衆
邑之總也必邑志詳悉無訛而後郡省得採取焉邑之有志不綦重歟然非功令所在考課期會有
所不及宰邑者視爲緩圖或力有未暇因循苟且以致邑之文獻日就放失者多矣僊邑在閩介於
山海之間風土樸茂邑之有志創始於宋黃巖孫再刊於元明之宏治正德暨嘉靖戊戌凡三修之
迨

國朝康熙己酉邑士郭林輯而成書縣令盧學儁刊焉至於今又八十餘年矣世歷三朝政令典
章上田戶口之數不能無改於其舊而邑之遺徵餘蹟幸耆老之尙存庶有稽而不墜陳芥舟年兄
以名進士來莅斯邑比三年邑之廢墜咸舉戊辰秋延紳士開局於學之樂育堂脩輯舊志網羅散
佚其求之也必詳其取之也務精不漏不支勿諛勿穢綜名核實求可以信今傳後而止焉閱己巳

docsriver 文川网
入驻商家 古籍书城

在文川网搜索古籍书城 获取更多电子书

九月始竣余不敏廁筆其間得與邑之諸賢遊以樂觀厥成且嘉芥舟之知所先務以不失朱子之意而又喜邑之士民安於其政而樂其教也爲弁數語於首陽湖莊大椿書年氏題

余幼讀廬陵所撰蔡端明學士墓誌嘗羨其才識雋挺論議卓越後讀夾漈通志及所纂諸書竊嘆其援據精確上下千古能自闢所見不宥習聞兩賢皆產自僊邑意其地必山川靈秀故能篤生偉人輝耀今古每掩卷神往久之甲子冬奉

命來宰斯邑見風俗敦龐民淳士秀心已竊喜及取邑志觀之知邑創始於唐由宋元明至今科第之盛非他邑所及山水之勝亦可以甲於天下余竊幸獲蒞是邦而深懼職之未易稱也惟是宋之志不可考矣明則失之略

國朝郭志出自一人手筆立議持論不能無偏是非旣多迴護而魯魚亥豕又觸目皆是卽有志修輯之會碌碌未遑也戊辰秋仲邑之諸務次第漸舉因與學博李惺齋言曰邑志自郭生重輯後迄今八十餘年矣文獻之士壯者老老者衰久而不修將無徵不信非守土者之責歟惺齋曰邑之士萌此願久矣君有命其誰不踴躍惟邑之文學議尊諱親桑梓之誼不能無所引嫌宜分其任而得學博識卓之士以董其成庶可折衷而就正焉余追念曩在都下時與晉陵莊書翁遊最久見其雄辨宏議公卿側席今投紱養高日與二難著書樂道若能惠然志其成乎惺齋曰善爰具書教請

幸不遐棄賁然來思遂開局於學之樂育堂與諸紳士因舊志而釐訂之遍稽者碩網羅散佚發凡起例爲綱十有二爲目百有十然後以類相次繁者簡之晦者明之於人物尤加謹焉必使名稱其實勿刻勿諛以傳是方來余以簿書之暇亦參末議於其閒閱一期而告成雖不敢自謂遠過昔人然體裁當而條理明一展卷閱邑之山川土田戶口之數粲若列眉典章禮樂考訂無訛前賢往昔之遺型芳躅足以立懦廉頑余旣幸始願之克酬且冀邑之士民敦本篤學植節樹名以追踪端明夾深諸賢而無負山川之靈秀豈非余之所厚望也歟乾隆己巳歲秋八月知僊遊縣事鶴湖陳興祚題

邑建自唐聖歷志作於宋寶祐相去五百六十餘歲時移代異黃巖孫始編而成書豈前此數百年山川人物文章制度悉付諸荒烟蔓草飄忽滅沒而無紀乎何輕而廢之也降自元明踵而輯者屢矣

國家定鼎以來迨康熙己酉距前之所修者又有歷年邑人郭彥俊懇前志湮沒力起而任之類多因仍固陋考覈未詳是非奪於鄉評愛憎失所依據非其才不及要亦勢使然也嗣是曠而不舉者八十年邑紳士修明有志而無爲之主特其閒則辭多忌諱而爲長吏者又困於簿書期會日不暇給遂無復有過而問者矣廢而修之若是雖乎鶴湖陳使君蒞僊五載政通人和好文篤士閱舊志